

Statura *D. limbati*. Caput latitudine nonnihil brevius, lobo medio apice nigro, oculis mediocribus. Antennæ corpore nonnihil breviores, nigro-fuscae, articulo basali capite fere dimidio brevior, 2 illo duplo longiore, apicem versus leviter incrassato, 3 basali nonnihil longiore, basi albido. Thorax antice quam posterius dimidio fere angustior, latitudine antica dimidio longior, punctulatus, anterior callis 2 lævibus confluentibus. Scutellum subtiliter punctulatum, vitta retrorsum angustata nigro-fusca. Hemelytra punctulata, marginibus scutellari et commisurali suturaque clavi, vitta angusta intracostali pone medium corii, angulis apicali et interno appendicis venisque membranae subsordide hyalinae nigro-fuscis. Femora postica apicem versus fasciis 2 fuscis.

5. *D. fraudulentus* STÅL.

Oblongo-ovalis; sordide pallide virescente-flavescens, nitidus, vix punctulatus; antennis (annulo medio articuli 2 excepto), vitta latissima scutelli, clavo, corioque fere toto, venis membranae limboque latissimo pectoris ventrisque nigro-fuscis. ♀. Long. 4½, Lat. 1½ Millim. — (Mus. Holm.).

D. limbato affinis. Caput latitudine brevius, lobo medio apicem versus nigricante. Antennæ corpore ipso nonnihil breviores, subgraciles, articulo basali capitis latitudine intraoculari vix longiore, 2 illo duplo longiore, nonnihil graciliore, apicem versus vix vel levissime incrassato. Thorax antice quam posterius dimidio angustior, latitudine antica paullulum longior. Scutellum nigro-fuscum, marginibus lateralibus anguste, apicem versus angustissime pallidis. Hemelytra nigro-fusca, margine costali basali anguloque apicali externo corii appendiceque (hujus angulo interno et interdum apice imo anguli apicalis exceptis) sordide virescente-flavis. Membrana pallidissime fuscescente, fusco-venosa, macula exteriore parva decolore. Subtus totus latissime nigro-fusco-limbatus. Femora postica prope apicem fuscescente-subbiannulata.

Variat membrana obscuriore, thoracis macula minuta antica et posteriore majore, pectore abdomineque totis nigro-fuscis. (Mus. STÅL.).

6. *D. viridicans* STÅL.

Oblongus, pallide flavo-virens, nitidus, subtiliter punctulatus; antennis nigris, articulo 3 basi albido; scutello vitta obsoleta fuscescente; margine scutellari clavi, apiceque ipso appendicis obscure fuscis. ♀. Long. 4½, Lat. vix 2 Millim. — (Mus. Holm.).

In vicinitate præcedentis locandus. Caput latitudine paullulum brevius, lobo medio apice fusco. Antennæ nigrae, articulo 1 capitis latitudini intraoculari subæquilongus, 2 illo plus duplo longiore, nonnihil graciliore, apicem versus levissime incrassato. Thorax antice quam posterius dimidio fere angustior, latitudine dimidia postica nonnihil longior. Scutellum vitta retrorsum angustata fuscescente. Hemelytra margine scutellari et commisura clavi apiceque imo appendicis obscure fuscis; membrana decolore, fuscescente-venosa.

7. *D. fusco-maculatus* STÅL.

Elongato-ovalis, pallide sordide subvirescente-flavescens, parum nitidus, puberulus, subruguloso-punctulatus; antennarum articulo 2 apice, scutello, clavo, macula magna corii, apice appendicis limboque sat lato inferiore nigro-fuscis; membrana fuscescente; margine thoracis pone annulum callosum apicalem anguste nigro-sanguineo. ♂. Long. 6½, Lat. 1½ Millim. — (Mus. Holm. et STÅL.).

D. limbato subsimilis, sed angustior. Antennæ corpore longiores, graciles, articulo basali thoraci subæquilongus, 2 illo duplo longiore, 3 et 4 æquilongis, basali nonnihil longioribus. Thorax antice quam posterius vix dimidio angustior, longitudine duplo latior. Membrana subsanguineo-venosa.

8. *D. semiochraceus* STÅL.

Oblongus, nitidus, obsoletissime punctatus, lutescens; antennis (basi ipsa excepta), clavo corioque fere pone medium, apice appendicis, apice femorum posticorum, tibiis anterioribus basi, posticis totis nigricantibus; membrana sordide hyalina; ano lutescente, nigro-maculato. ♂. Long. 5½, Lat. 2 Millim. — (Mus. Holm.).

Statura fere *D. limbati*. Antennæ haud incrassatae.